

“ТАСДИҚЛАНГАН”  
"Urganch yog'-moy" AJ  
Кузатув кенгашининг  
2016 йил 28 июлдаги 3-сонли  
мажлис қарори билан

**Ҳомийлик қилиш ва беғараз ёрдам кўрсатиш  
тартиби тўғрисидаги**

**НИЗОМ**

Урганч – 2016 й.

## **Мундарижа**

1. Умумий қоидалар.....	3
2. Ҳомийлик ва беғараз ёрдамнинг микдори ва йўналишлари .....	3
3. Ҳомийлик ва беғараз ёрдам қўрсатиш бўйича масалаларни қўриб чиқиш учун орган.....	ваколатли 3
4. Ҳомийлик ва/ёки беғараз ёрдам қўрсатиш тўғрисидаги аризаларни қўриб тартиби.....	чиқиш 4
5. Якуний қоидалар .....	4

## I. Умумий қоидалар

1.1. Мазкур Ҳомийлик қилиш ва беғараз ёрдам кўрсатиш тартиби тўғрисидаги Низом (Кейинги ўринларда – Низом) "Urganch yog'-той" АЖ томонидан Ҳомийлик ва беғараз ёрдами сифатида маблағларни ажратиш тартиби ва тамойилларини аниқлайди. Ушбу Низомда қўйидаги тушунчалардан фойдаланилади:

*Беғараз ёрдам (хайрия)* – жамият томонидан беғараз ёки имтиёзли шартлар асосида жисмоний ва юридик шахсларга мол-мулк, шу жумладан пул кўринищдаги маблағларни ўтказиб бериш, беғараз хизмат кўрсатиш ва ишларни бажариш ёки бошқа шаклда қўллаб-куватлаш ҳаракатларни амалга ошириш.

*Ҳомийлик ёрдами* – жамият томонидан жамият тўғрисидаги рекламани жойлаштириш (тарқатиш) шарти билан ҳомийланувчи ҳисобига пул кўринишидаги маблағларни (шу жумладан мол-мулк шаклида) ажратиш ва хизмат кўрсатиш.

1.2. Ҳар қандай юридик ёки жисмоний шахс жамиятга ҳомийлик ёки беғараз ёрдам сўраб мурожаат этишга ҳақлидир.

## II. Ҳомийлик ва беғараз ёрдамнинг миқдори ва йўналишлари.

Ҳомийлик ва беғараз ёрдамнинг миқдори қонунчилик ва жамият уставида белгиланган миқдорларда кўрсатилади.

- 2.1. Бир йил давомида кўрсатиладиган ҳомийлик ва беғараз ёрдамнинг умумий миқдори жамиятнинг олдинги ҳисобот йили натижалари билан олинган соф фойданинг 10 фоизи миқдоридан кўп бўлишига йўл қўйилмайди.
- 2.2. Ҳар йилги ҳомийлик ва беғараз ёрдами ажратиладиган йўналишлар (олувчилар) ва уларнинг ҳар бирига ўтказиб бериладиган маблағлар миқдори жамиятнинг бизнес-режасида кўрсатилиб, акциядорлар умумий йиғилиши томонидан тасдиқланади.
- 2.3. Бизнес-режада кўрсатилган йўналишлар ва миқдорлар доирасида ёрдам кўрсатиш тўғрисида қарор жамият ижроия органи томонидан қабул қилинади.
- 2.4. Бизнес-режа билан тасдиқланмаган ҳолатлар бўйича ижроия органи ҳомийлик ва беғараз ёрдами кўрсатишни рад қилишга ҳақлидир. Бундай ҳолларда, жамият ижроия органи мажлиси бу масалаларни кузатув кенгаши муҳокамасига киритиш тўғрисида қарор қабул қилиши мумкин.

### **III. Ҳомийлик ва/ёки беғараз ёрдам кўрсатиш тўғрисидаги аризаларни кўриб чиқиш тартиби**

- 3.1. Ҳомийлик ва/ёки беғараз ёрдам кўрсатиш сўралган аризалар юридик ва жисмоний шахслар томонидан шахсан топшириш, почта ёки электрон коммуникация воситалари орқали жамиятга келиб тушиши мумкин.
- 3.2. Келиб тушган аризалар кирим қилингандан сўнг жамият ижроия органи раҳбарига кўриб чиқиш учун киритилади.
- 3.3. Ижроия органи раҳбари келиб тушган аризаларни ўрнатилган тартибда кўриб чиқиш мақсадида бошқарув мажлисини чакиради. Бундай мажлислар заруриятга қараб, лекин ҳар чоракда камида бир марта чақирилади.
- 3.4. Мажлис котиби ҳомийлик ва/ёки беғараз ёрдам сўралган аризалар асосида кун тартибини шакллантиради.
- 3.5. Бундай аризаларни кўриб чиқиш учун мажлис кворуми **75** фоиздан кам бўлмаслиги шарт.
- 3.6. Ижроия органи ҳомийлик ва/ёки беғараз ёрдам кўрсатиш ёки рад қилиш тўғрисидаги қарорларни коллегиал равишда қабул қиласди. Ҳар бир масала бўйича қарор мажлисда қатнашаётган барча аъзолар томонидан бир овоздан қабул қилиниши лозим.
- 3.7. Мажлис котиби мажлис якуни билан баённома расмийлаштирилишини ва мажлисда иштирок этган барча аъзолар томонидан имзоланишини таъминлайди.
- 3.8. Мажлис қарорига асосан ўтказиладиган маблағларни ўз вақтида тўлаб беришни таъминлаш жамият бош хисобчиси зиммасига топширилади.

### **IV. Якуний қоидалар**

- 4.1. Жамият томонидан кўрсатилган ҳомийлик ва/ёки беғараз ёрдамлар тўғрисидаги ахборот жамиятнинг расмий веб-сайтида жойлаштирилиши лозим. Бундай маълумотларни жойлаштириш тижорат сири ва/ёки конфиденциал ахборот тўғрисидаги талабларни инобатга олган ҳолда амалга оширилади.
- 4.2. Мазкур Низом ва унга киритиладиган барча ўзгартиш ва қўшимчалар жамият кузатув кенгаши томонидан тасдиқланади.
- 4.3. Ўзбекистон Республикаси қонунчилиги ва меъёрий ҳужжатларга ўзгартиришлар киритилганда мазкур Низомнинг айрим бандлари бўйича зиддиятлар юзага келган тақдирда, ушбу моддалар кузатув кенгаши томонидан тегишли ўзгартиришлар киритилгунга қадар ўз кучини йўқотади.

- 4.4. Киритилган ўзгартыришлар күчга киргунга қадар, ижроия органи аъзолари амалдаги қонунчиликтек мувофиқ ҳаракат қиладилар.